

Bosna i Hercegovina
Босна и Херцеговина

Agencija za
identifikacione/identifikacijske
dokumente/isprave, evidenciju i razmjenu
podataka Bosne i Hercegovine



Агенција за
идентификациона документа,
евиденцију и размјену
података Босне и Херцеговине

Broj: 15-03-16-5-35-71/24
Datum: 18.10.2024. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

ODLUKU o izboru najpovoljnijeg ponuđača

Član 1.

Najpovoljniji ponuđač u postupku javne nabavke **usluga korišćenja fiksne telefonije i internet usluga – LOT 1 usluga korišćenja fiksne telefonije**, objavljen na *web* Portalu javnih nabavki Bosne i Hercegovine, Obavještenje o nabavci broj 1110-1-2-43-3-66/24 od 19.6.2024. godine, a koji je proveden otvorenim postupkom, je **BH Telecom d.d. Sarajevo**.

Član 2.

Poništava se Odluka o izboru najpovoljnijeg ponuđača, broj 15-03-16-5-35-49/24 od 4.9.2024. godine i provedena e-aukcija između ponuđača u postupku.

Član 3.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 4.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon provedenih aktivnosti, Komisija za provođenje postupka javne nabavke usluga korišćenja fiksne telefonije i internet usluga je konstatovala da su do roka za prijem ponuda, dana 17.7.2024. godine do 10:00 sati, na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija) za LOT 1 – usluge korišćenja fiksne telefonije pristigle dvije (2) ponude i to: BH Telecom-a d.d. Sarajevo i Mtel-a a.d. Banjaluka. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-35/24 od 14.8.2024. godine, u kojem su detaljno obrazloženi razlozi za izbor najpovoljnijeg ponuđača. Ovim zapisnikom Komisija je zaključila da ponude oba ponuđača ispunjavaju sve zahtjeve u pogledu opisa predmeta nabavke i tehničkih specifikacija, te je između ovih ponuđača održana e-aukcija, nakon čega je predložila donošenje odluke o izboru Mtel-a a.d.




Banjaluka za najpovoljnijeg ponuđača. Agencija je donijela Odluku o izboru ovog ponuđača za najpovoljnijeg, broj 15-03-16-5-35-49/24 od 4.9.2024. godine, provela dalje radnje, te pozvala Mtel a.d. Banjaluka do dostavi bankarsku garanciju za uredno izvršenje okvirnog sporazuma. Na zahtjev Agencije Mtel a.d. Banjaluka je odgovorio sa Zahtjevom za pojašnjenje dopisa, broj 1-04-74-7360/24 od 10.10.2024. godine, kojim traži dodatno pojašnjenje predmeta okvirnog sporazuma s obzirom da je isti u svojoj ponudi istaknuo da se njegova ponuda usluga ne odnosi na sve lokacije za koje se tražila usluga Tenderskom dokumentacijom, odnosno od Agencije je tražio izjašnjenje da li će predmet okvirnog sporazuma biti lokacije u skladu sa Ponudom Mtel-a a.d. Banjaluka.

Po zaprimanju ovog akta, zaključeno je da je prilikom pregleda i ocjene ponude izvršen previd, te nije konstatovano da je Mtel a.d Banjaluka i pored toga što je u svojoj ponudi dostavio izjave da prihvata uslove i zahtjeve iz Tenderske dokumentacije, odnosno Tehničkih specifikacija, dostavio i akt kojim se izjašnjava da se ponuda odnosi samo na određene lokacije, a ne na sve lokacije tražene Tenderskom dokumentacijom, niti je u vezi izjave ovog ponuđača na 3. strani njegove ponude traženo pojašnjenje zbog neusaglašenosti dokumenata dostavljenih u ponudi.

S obzirom na zahtjev Mtel-a a.d. Banjaluka od 10.10.2024. godine i na osnovu izvršenog uvida u njegovu ponudu može se utvrditi da je ponuda usluga ovog ponuđača samo za određene lokacije. Slijedom navedenog Agencija je dužna ispraviti radnju, te poništiti donesenu Odluku o izboru najpovoljnijeg ponuđača, broj 15-03-16-5-35-49/24 od 4.9.2024. godine. Kako se ponuda Mtel-a a.d. Banjaluka ocjenjuje nepravilnom, jer nije u skladu sa tenderskom dokumentacijom u skladu sa članom 2. tačka l) alineja 3) Zakona o javnim nabavkama, poništavaju se i rezultati e-aukcije.

Uzimajući u obzir navedene činjenice u postupku predmetne javne nabavke najpovoljnija je ponuda ponuđača **BH Telecom d.d. Sarajevo, sa ukupnom cijenom od 17.103,84 KM bez PDV-a, odnosno 20.011,49 KM sa PDV-om**, jer ista u ekonomskom i tehničkom smislu zadovoljava zahtjeve Agencije iz Tenderske dokumentacije.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od deset dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR
Prof. dr. Almir Badnjević

дигитално потписано / digitalno potpisano / digitally signed

